

Nozibele no mushishi utatu



Tessa Welch



Wiehan de Jager



Sandra Mulesu



3



IciBemba

bem



Kale saana, abakashana batatu baile mu kuteeba inkuni.



Ubo bushiku kwalikabile saana, efyo baile ku mumana mu koowa. Baaleyangala, baleesabaula ameenshi no koowa.



Basuka bamona ukuti bwaila. Baendeshe
ukubwelela ku mushi.



Cilya bapamina ku mushi, Nozibele aikete mu mukoshi. Asanga ukuti nalaba ubulungu bwamu mukoshi. Aapapeete abanankwe ati, “Napaapaata nshindikeniko!” Nomba abanankwe bamukanina abati naabwila.



Nozibele epakubwekelamo ku mumana eka. Asanga ubulungu asenda atampa no kubwelela ku njanda. Nomba aaluba pantu kwalifiitile.



Akatalamukila, aamwene ulubuto ulwalefuma mu kayanda. Aendesha ukuyako no kuya konkonsha pa ciibi.



Nozibele camupapwishe nganshi pa kumona Imbwa eyaisula iciibi no kumwipusha aiti, “Finshi ulefwaya?” Nozibele nao ati, “Ninduba, ndefwaya apo ningasendama.” Imbwa aiti, “Ingila nga teifyo naalakusuma!” Nozibele epakwingila.



Elyo Imbwa yamweba ati, “Njipikilako!” Nozibele
ayasuka ati, “Nomba nshatala njipikilapo imbwa.”
Imbwa aiti, “Ipika nga teifyo naalakusuma.”
Nozibele epakwipikila Imbwa ifyakulya.



Imbwa kabili aiti, “Njanshikila ubusanshi!” Nozibele nao ati, “Ine nshatala njanshikilapo imbwa ubusanshi.” Imbwa aiti, “Njanshikila ubusanshi nga teifyo nalakusuma!” Efyo Nozibele ayanshike ubusanshi.



Cila bushiku aaleipikila Imbwa no kuiwashisha.
Ubushiku bumo Imbwa aiti, "Nozibele, leelo mfwile
ukutandalila abanandi. Upyange inanda, wipike
ifyakulya, no kuwasha ifyakufwala fyandi fyonse ilyo
nshilabwela."



Cilyafye Imbwa yaaya, Nozibele anukwile umushishi utatu mu mutwe. Abiika umushishi umo panshi ya busanshi, umbi kunuma ya ciibi elyo umbi mwitanga. Elyo abutuka na maka yonse ukuya ku ganda.



Ilyo Imbwa yabwelele, yatampile ukufwaya Nozibele. Yapunda ati, "Nozibele, Ulikwi?" Umushishi uwali mwisamba lya busanshi wabalilapo auti, "Ndimuno!" Uwacibili auti, "Ndi kuno, kunuma ya ciibi." Umushishi wacitatu nao auti, "Ndi muno, mwitanga."



Imbwa yaishiba ukuti Nozibele naicenjesha
naafyuka. Yaabutwike ulubilo ukuya ku mushi.
Nomba bandume yakwa Nozibele baleilolela ne
fimiti ifikulu. Efyo Imbwa yapilibwike no kubutuka
kabili ukufuma apo tayatalile aimoneka na kabili.





Storybooks Zambia

storybookszambia.net

Nozibele no mushishi utatu



Tessa Welch



Wiehan de Jager



Sandra Mulesu

